

摘藻堂四庫全書薈要

集部

欽定四庫全書薈要卷一萬六千四百八十八

其部

圭齋文集卷十五

元 歐陽玄 撰

贊

御書九霄贊

聖人居潛如日未旦待其將出光景於粲若木蟠桃實
生海濱天光首被先萬物春離麗正中烜赫八表物物
容光莫獲私照上在桂林臣有震宦躬荷寵顧染翰賜
之作其踐祚億兆悉臣欲攬天章幾千萬人向所蒙恩

曠遇希世隋珠和璧曷足言異今雖近臣孰敢奏請仰
瞻雲漢惟有引領日邊之氣其名曰霄陽數用九乾德
孔昭龍飛之徵有開必先形諸翰墨夫豈偶然天啓淵
衷神助筆力震畫乾初洞見天則猗嗟震宦世世寶藏
億載萬年為龍為光

麟鳳二大字贊

皇太子習大書端本堂上命皮其所書記之於籍或以
賜近侍宮臣則錄所賜人姓名而登載之慎重之至也

宣文閣授經郎浦江鄭深其官署既在內府與青坊密
邇深家又以九世同居聞自諭德以下咸樂與之遊因
得侍硯席被寵顧故有是賜焉所賜為麟鳳二大字若
曰同居為國家之瑞有若麟鳳云爾筆法方嚴意度閒
暇天縱不凡深得之允為慶幸屬玄記其事於下方謹
拜手作贊辭曰春宮臨池神助腕力結體楷嚴運筆端
直上命宮臣以時貯儲遇有賜予籍而記諸深仕延閣
授徒宮庠獲陪燕翼膺是寵光維麟與鳳肇錫孔嘉有

之似之瑞我國家

潘雲谷墨贊

徂徠松雲貯玄谷道人居中抱其獨琅琅空山萬杵熟
道人曄然開電目松雲化石石化玉崢嶸寶氣霄漢燭
貢之奎章歲在積龍光淋漓九字福

十八羅漢畫像贊

我觀應真玲瓏八牕具妙用故示諸愚蠢世言神通自
墮幼吮匪梵匪漢匪竒匪龐見師即呵孰前搏控千花

冥冥百泉淙淙猿吟鶴飛白雲空
龍伯山君巴滇蜀駝爪剛力
獐冠詭服厖或象瑜來或於菟
降信攝平等詎分珉玕如來在
時慧日萬邦既入涅槃境俄然
膏釭固修第二有二無雙矧此
苦海實資徒枉南浮諸方金鼓
肆縱建論性相樹茲疑幢彼不
見月指月在江渟為泓洄激為
湍瀧我無成虧喧寂一腔

此歐陽先生閒暇時著意為劉仲賓題此甘韻仲賓避亂客固江黃氏子魯所因以遺之識者當因文以

重其畫不可因畫而汎觀其文也馮翼翁子羽觀跋

為防里族姪題文忠公像

歐陽永叔

文在兩間與世推移道之將興文必先知八代萎靡韓
歐繼作讀者瞻之實啓濂洛五季鉅筆素王微權本論
拳拳慶歷七篇人心既正士習斯淳黃河秦華我公其
人

自贊

不古不恠不清不竒置之竹籬茅舍似無不可貢之玉

堂金馬亦無不宜噫百年三萬六千日與吾相對吾亦不知其為誰

族兄山村先生像贊

實踐真修洙泗之學闊視雅操箕頽之風節用謹身充而達乎曾閔之行存心養性悟而超乎松喬之宗子孫極高年之養而志存舊日之儉素鄉鄙推丈人之行而身教後生以謙冲郡侯賜帛重於鄉飲朝廷表門侈於素封是宜濟南諸生追懷九十之伏勝襄陽過客想見

百代之龐公

族子秉彛像贊

山村子也

以治官之能治家以應世之智應族不遺履舄任用咸
當不勞鞭筭資具自足心平而直何事城府行簡而易
豈資邊幅有子孫之賢可悅情性有山林之勝可娛心
目人見其康健而期為山村向上之壽我觀其忠厚而
知為歐門鼎盛之福與

靜修先生畫像贊

先生姓劉名因字夢吉容城人至元中蒙裕宗召為贊善

辟集賢學

士皆不拜

微點之狂而有沂上風雩之樂資由之勇而無北鄙鼓
瑟之聲於裕皇之仁而見不可留之四皓以世祖之畧
而遇不能致之兩生嗚呼麒麟鳳凰固宇內之不常有
也然一鳴而六典作一出而春秋成則其志不欲遺世
而獨往也明矣亦將從周公孔子之後為往聖繼絕學
為萬世開太平者耶

默菴先生畫像贊

東平
安氏

寤寐乎明善誠身之書步趨乎格物致知之學關西三
鱸未必榮於教授之四世荀陵八龍奚以過於伯仲之
一壑豈非白茅作而忠信著玄酒淳而嗜欲薄者乎鍾
期伯牙有同世而不相遇者吾胡於默菴之神交而益
以重容城之先覺也

威如蘇先生畫像贊

英英紫芝皎皎素絲冥搜遠討默識近思子雲精深季
海孝友德人之容君子之守

郎中蘇公畫像贊

維子寧父為名卿士其心塞淵如古君子既合於古詎
諧於時職是正直弗究厥施居家嗃嗃在國諤諤屹如
長松矯如一鶚蚤以謹言屢忤權相晚著惠愛足食邊
饒剛者必仁仁必有後宜爾有子簡自造秀遺像儼然
不亡者存九京可作孰為子雲

魯文迪像贊

先生之學吾誰與稽吾有源委澗瀍東西先生之書吾

讀未遑吾有徵信季通紫陽大道無形公獨有像神仙
不死公獨有莖莖留仙訣像馭仙風止乎觀丘池水澄
融魂月魄水息慮良止鶴鳴長空騰化震起遺鈴記傳
嚴密謹言感發人心何日已焉

防里族姪友人劉伯常名彞贊

劉氏奕世以更著號何事於更一變至道不變者存于
其保之字子以常名子以彞

陽明軒太玄子龍

閭闔開蜿蜒回寶劍出天馬來

疏

寶雲禪寺題疏

唐會仰小釋迦上彤禪師作雙峰禪寺於石鎖峰下迄
今稱名利座席多叢林望士至則咸有所樹建舊殿僧
堂作者為別傳泓法堂為晦谷輝鐘樓為夢作滿南廡
丈室為近年謙山福今堂頭一清徹公克武前修仰瞻
佛殿屋老思撤之揣力弗瞻以余舊家宜陽寺邇吾族

求作儷語發端鉅家異獲資助圖維厥新詞曰

唐刹占山水之奇舊多勝迹瞿曇備天人之福必有廣
居維茲寶雲雄我鈴邑翬飛傍峙已聳巖瞻象馭中臨
未宗殿制茲欲哀多益寡舍舊圖新即蕪陋以徵辭謁
華腴而求助於是講遺規於娑馭證妙境於率陀長者
布金祇園咄嗟集事老人懸車故里讚詠成功故疏

書

啓附

與所性姪書

自夏謁告祠垣道假江左取便欲經祖郡省墓譜亭之
行途中暑劇迹與心違抵家以來且人事蚕叢文債日
生遠辱慰問但卑叔在朝自忝從臣未罄黼黻之報恩
及二代蕪蒙賜碑榮幸不勝今遣僕老李特賫勅賜碑
一本相奉別致薄贐贈諸族屬煩吾姪分俵勿患其寡
而患其有未至也邇者賤疾百病交攻使者復促上道
起居未可自必老僕即使之歸似難稽召命舟中欲使
任其扶持之勞家兄而次電此致問不宣

答意山先生

意山聘君老兄文侍立去冬防里彌月之留涵濡道德之味於骨肉之情得於兄所教良多迨今銘感未已今郎來辱惠問勤懇第恨溢美辭多令人讀之赧然賤迹自正月中旬以來右膝軟腫其痛如刺始者護痛不敢屈信久之兩足筋攣即日行立俱廢稽延召命恐違官箴遂援年雖未及身委有病自願致仕者聽之例移文有司行達朝省冀此庶得藥裹專心然亦沉痾如舊書

來所謂促裝上道那得許事耶令郎初至適值病體服
宣利之藥遂致泄瀉不已困憊不能見客數日稍復當
圖報深愧莫能效毫髮之助聞張毅甫尚書除江右憲
使其人相知力疾作一書干之或能相汲引一試也側
聞茲歲垂帳仍在舊館郡泮必時至彼諸生常得親炙
老成亦幸事也餘惟萬萬自愛占荅崖畧不敵先施等
于尊照不宣

又與意山先生書

玄壬午譜亭之別于今六年都下蒙惠書但送書人乘
便即行往往不別而去不及報書為歎方馳仰間令郎
至荐辱佳翰承寓居春臺壽履康裕殊慰殊慰文集舊
序如戒更寫令郎所著易問辨甚佳已為作序第愧病
餘意緒不佳乏好語也令郎氣宇明爽因推其八字非
常發達行當擢科吾兄收義方之效享榮養之祿計日
可待也劣弟蹒跚如昨右臂時苦風氣流注大為所窘
最是文債日生無少休息令人悶悶未卜會期惟以道

珍嗇草草伏希尊照不備

回所中書

猶是癸卯年敘譜以來今三十有五年矣是時不肖與所中俱在子弟之列每思幼從兄弟之樂今復欲爾尚可得耶去夏謁告祠垣假道江淞初意徑趨洪袁一訪故耳中途劇暑遂與願違老僕還聞族中諸公相候甚久令人慚慙無已茲遠席宗庇自忝從臣恩及二代兼蒙賜碑尤出望外受寵驚懼蒙書乃以賀言惟重林楊

祖塋題表之喻僕何敢當第曩歲侍親春陵見元公家
數世之墓皆太守方孚若為題之他日援此故事或得
一名筆表識亦未晚也賤迹近叨兩召貧病交窘居行
未知攸措吾姪何以告之儀翁還專此占復潦畧等幾
孚照

回所立書

相距五百里相別十五年逆旅倚伏靡不更常起居動
靜邈焉無從忽宜翁兄携所惠書得之驚喜相半追憶

曩侍先君子琴冊適執事自綵侍來以拜見退相從齋
閣是時僕與執事俱為人子弟第一門自為師友之樂有
不容喻今日此况此味惟屬之所立仰為名門雍熙之
軌翁季道德之盛異時秋蟬賦側耳獨領畧吾知叔弼
久矣兩科士論殊以魯生不來為恨六月之息三年之
鳴端有所待他日榜中龍虎第一相承舍君其誰政當
堅坐冲密守庚申耳區區遭時承乏何足置牙頰來書
諄諄然及之令人卷舒媿潘可拾甚者以六一為是何

以美疾強加我耶此公事業未論其他只蘆荻畫地我輩曾受此苦曾下此工夫否此則斷斷然不夢見脚板者也廬陵長沙之議不謂茲事亦徹聽聞僕在二郡不翅滄海一稊或者之語僕亦不辨惟應之曰僕為崇韜不敢藉談尤不敢也不改布素一語亦告者過番羶瘦馬自是鬱億家風且先輩三尺森嚴在前何敢猖獗一步寄示畫軸皆米家虹月惜蕪穢不足發揮歲晏百冗填委宜翁行又遽尊翁朝奉令叔意山學士令姪芳茂

暨族黨諸先達皆不及顛狀敢告申敬何時譜亭敘拜
以罄鄙懷家兄而次附致謝臆等幾魁照不宣

回鐫申齋先生書

玄頓首再拜復書提舉聘君申齋先生丈席玄即辰清
和承體候佳勝濟南耆年有相之道不勝願見之禱吾
宗振先來辱書且知姪孫宗任客臘叅謁座下第緘寄
雄文迨今未至不審何故亟稱督索端便復命隴阡樵
採之禁事出當然流言之惑實無是也區區抱病三載

始獲一歸心志凋殘舊學如失其不能為先正大夫役也審矣適候卜氏女病振先就之相見借紙占酌凡百潦畧惟鼎茵加苾以壽斯文謹奉狀不宣

荅劉桂隱書

玄頓首再拜復書桂隱先生執事玄視廬陵江鄉乃未獲一寓桑梓之敬諸鄉先生亦未嘗一望履絢虛名誤人僕僕南北抱茲二欠負負奚文先生道德之重藻鑑之明今先之以書且有文集敘之喻僕何足以敘高文

之後此亦虛名誤聽聞耳踵襲訛謬如是不已豈不甚
可畏哉僕自去春痺疾盛作一歲之中謁告十九今者
又有哭子之戚俵俵南歸子環之使要諸潞上夏初誤
恩落侍講升學士俯僂循墻迄今未敢拜命心常怔忡
舊學廢忘仲賓還姑爾塞責滓穢高明知罪知愧盛暑
力疾治荅不敵先施切希照亮

荅孫春洲書

玄頓首再拜上記春洲聘君先生玄讀天台賦金聲嫻

媿吾耳將二十年識公於此蓋久昔人識心在識面之
前斯謂知己族弟志行家人至辱佳翰勞問勤懇殊慰
瞻馳第玉署再遷之言此傳說者之謬幸勿過聽區區
抱痾三年朝廷熟察而深憐之譬之病駒不任銜勒置
之茂林豐草之地使之姑遂其本性豈有復可驅策者
耶令郎才俊自當不乏知遇萬一邂逅在他人尚能推
轂豈敢愛一援手之力於秦晉之戚哉介旋力疾占荅
秋杪冬初必到防里胥晤有日餘儲面賦草略切希照

察不宣

又

玄頓首再拜春洲先生契友玄鄉在史館與曼碩揭公
談江右人物揭稱譽足下才美在臨川孫履常何太虛
間會見咄咄逼人他日相知翰墨中益見故人藻鑑之
高日者敝族諸子弟見過又知結習斯文固有瓜葛第
恨才薄資淺仰慕前修薦士不得彷彿其萬一耳所求
春洲詩及大字草草塞責報章遠勝作者子昂墨蘭自

是佳品感愧無數區區劇暑抱病趨便裁荅不敵先施
尚幾照察不宣

與張憲使書

都門別後賤迹尋亦謁告還湘相距地遠之便致書惟
深馳仰近傳全除目共稔移軺左浙弭節西江西江之
民蘇息之期實在此矣僕先世西江人也里中長老時
相往來語及公來相與喜抃少白僕近訪族族中少俊
甚多有姪原春者其才足以應舉然得失未可必袁州

路學薦為直學例必經憲司試驗欲望相公賜一援手
之力他日寸進實出陶鎔何敢忘也賤體入春以來痺
疾愈甚兩足筋攣行立俱廢雖被召命自度病勢如此
未見即愈自願休致之章已達有司每日從事藥裹而
已為况無足為知己道者舍姪行顓起居未中冀順
序珍嗇行膺柄用不具備

慰國博喪母書

玄頓首奉慰文廷博士至孝玄不意慶門倚伏之會先

太夫人奄棄榮養緬惟哀痛奈何玄聞變不勝慘怛已
僦小車詣行府申唁昨暮適苦痰嗽鬱眩之證又聞車
行甚亟勢未獲面會中統若干聊為雇車之資道遠奠
節哀順變以襄大事手疏潦略不具

與劉文廷書

玄手書再拜上文廷博士提學相公仁友玄往夏去國
同列中以不獲一言以別為恨客冬還鄉久之又以不
蒙一紙之寄為欠今夏忽睹除目承有儒臺之擢既喜

且駭其喜則以國初甚重此職覃懷許公由是拜左轄
亦愚葉公由是拜右轄大德中吳興趙公由是入為侍
講吾文廷居之允愜士論其駭則以賤跡離翰苑時當
揆力勉其留其言以為斯文漸覺人少僕抗言薦數士
為代如文廷皆其列也當揆蓋嘗諾之今忽外補非文
廷求出必不爾也已而果傳有子夏之戚聞之胸次作
惡者數日昔有三人聞客言虎患一人感額特甚僕其
人也才不才亦各言其子往年嘗以此致心疾後來熟

思之理數自然皆有乘除修短存乎其間莫年盡傷亦復何濟不如姑聽造物所以處我者何如耳劉仲賓行亟此代面外有一啓極知剩出或可助發一莞聊以寬君之憂也僕態勝舊近又苦痰暈之疾但夙緣無涯竟日為人造綺語業殊可厭也毫楮草草希照亮

啓

茲諭輟班學省進秩文臺晨入都堂陳衷懷而求去晝歸六館別同舍以治行綸綍及門輜軒在路既許即家

而為府又容需次以申情仕宦以稱職為稱心宜無內
外重輕之辨賢達唯知義故知命自明禍福倚伏之機
故於趨賀之緘輒為譬解之語孔文舉楊德祖古人所
親即兒羨門子浮丘公今世未聞有後首尾不嫌於衡
決肺肝所托於深知翬翬馳忱忽忽闖便

回有壬許叅政啓

辱示謙鳴喜新責治包胥感無衣之賦竟償復楚之言
相如獲全璧之歸始著却秦之勇蓋人之秉忠者必遂

而物之拂性者終還追惟往事之堪驚益懷高位之難處文場有議豈容居西掖而弗知丹詔驟頒乃獨使東廳而恭聽此挾姦回之秘策欲摧俊乂之前茅尋移疾以去官姑待時而俟命生意已存於碩果大材寧繫於匏瓜皇天實鑒乎臣衷聖主自定乎國是予環鶴渚公曰盍歸乎來哉授柄鳳池衆謂兆足以行矣屬開端於更化嘗効力於代言然非烏獲莫勝曷免絳侯見沮急逐輜軒而傾蓋真同韋布以彈冠洎僉黃髮之謀親預

綠章之寫於是退前日掩奎之宿即當時押角之人嘉
與賢能存行周家選舉之法至詒朋友共播虞廷賡歌
之音第媿踈庸莫陪揚厲亟酬先施倍切懽悰

祝告文

祝太祖以下文

天畀寶命列聖相承貽萬世之丕基輯九圍之至治顧
茲菲德嗣守基圖念皇考之上賓結孝思之罔極爰舉
徽稱之典躬陳時祝之儀尚冀垂歆敷錫祚胤

明宗皇帝祔廟祝文

於穆皇考聖德配天何臨御之弗遐儼威靈之如在顧
茲冲眇嗣守皇圖惕惟丕訓之承祇奉鴻名之舉是用
躬執圭瓚薦其苾芬仰惟願懷來格來貺

焚黃祝版

維至元三年歲在丁丑二月朔壬申越十三日甲申孝
孫翰林直學士國子祭酒玄敢昭告于祖考贈中順大
夫中書禮部侍郎上騎都尉追封渤海郡伯澹軒先生

歐陽公玄奉元統三年甲戌三月制書以玄忝列藝文
大監備位二品推恩二代贈封祖考官職勲爵如右是
年九月以書到家告廟改題且遵彝式為玄尋遷太常
翰苑等官限以職守今者謁假來歸告墓之典始克成
禮惟我祖考懿行粹文師表湘楚惟誠淑人惠利後學
儒者之德莫盛於茲餘慶所被施于諸孫獲承國恩致
有褒贈思昔咸淳甲戌鼓篋上庠在其當時六館諸生
為厥父母咸得推恩世運遷移先考賈志六十年間歲

運一周積善之報久而采彰有若此者侍郎法從之官
貴列八座渤海大郡之壤崇視徹侯載燔密章昭侈上
賜伏惟膺此寵光濬厥福澤庇賴我後益熾以昌謹以
牲齊穀饌式伸虔告

焚黃告后土

維至元三年歲次丁丑二月壬申朔越十有三日甲申
翰林直學士中順大夫知制誥同修國史國子祭酒歐
陽玄敢昭告於官榮橋白雲菴后土之神玄欽奉制書

贈封祖考中順大夫中書禮部侍郎上騎都尉追封渤海郡伯爰擇穀旦燎黃于塋惟神苞流崇深穎擢明秀相我先祖妥靈于茲芘厥後人本固枝茂實惟神庥惠徼方增報祝敢後自今以始恩休數至維爾明神亶有榮耀尚圖利之謹以酒殽庶羞式伸虔告

防里祭祖祝文二

大元至正二年歲次壬午十一月己巳朔十有三日辛巳曾孫翰林學士資善大夫知制誥同修國史玄謹以

牲酒之奠致祭于防里第十一代祖七承事府君歐陽
公墓前而言曰禮去鄉國省墓而行重違遠也先世遷
瀏動踰十紀井邑既殊歲月既久踈渺松楸事勢使然
餘慶所覃靡間彼此玄自竊科第登進公朝備列法從
推厥本原敢昧所自謁告來歸展省墓下追懷雨露怵
惕深增惟我先祖流慶後昆願自今始無曠彛禮尚享
防里歐陽氏始遷第一代祖府君墓前人本乎祖百世
匪遙精神旁通體魄如在遠孫席庇展省還鄉萬木一

春萬水一清豐本濬源用永有譽惟我先祖實克相之
祭后土文二

防里第十一代祖墓后土氏之神先世遷瀏遠墳墓
曾孫展禮宅覲以固祖考來歆神亦惠顧濬靈鍾竒錫
我蕃胙我族既惇百世無斃尚享

防里歐陽氏始遷第一代祖墓后土氏之神自古之表
我祖始遷妥靈茲阡今三百年高山蜿蜒其上隆然神
相我后慶流如川

翰林國史院祭揭侍講文

嗚呼公之道德忠厚篤實洞徹内外公之文章純深爾
雅警發憤憤方館閣之踐敬實昌期之際會密勿論思
從容進退當譽望之日隆惟恪恭之弗懈掌斯文於玉
堂贊皇猷之光大侍講讀之經幄知啓沃之切闔待引
年而挂冠戒舟楫而南邁帝錫命而來還冀黃髮之未
艾適聞詔之方殷思竟考夫前代詔總裁於三史庶緝
熙於帝載天不慙遺慨其殄瘁惟我同僚思其莫再望

望喪車悠悠丹旆尚期英爽歆此薄醑

祭子達老文

至正元年歲次辛巳二月十一日老父八翁即大都崇仁門之寶泉寺為特羊舉酒殽之奠告汝十二郎上舍之靈曰嗚呼哀哉尊者哭卑者而哭於暮年生者送死者而送於異鄉天下之慟有甚於斯乎吾年五十餘而無子也既以汝為子矣凡吾老身之侍奉後日之繼承惟汝是賴一旦而失所望焉天乎人乎孰使老父懼此

毒乎以子之學可受第祿以子之孝宜享壽齡天乎人乎孰使吾子至此極乎丁丑之秋赴召北來汝伯汝叔送吾與汝他日吾還汝獨何往吾亦何面目見汝伯汝叔乎汝之生父吾之愛弟也久矣抱痾遂廢宦業今聞汝計還數千里其將何以為懷乎為之兄者又將何以堪此情乎且汝之病吾謁之醫而竭之劑汝之斂吾致之襚而哭之痛猶以為有憾也吾弟於汝其病也不見所服之劑其斂也不見所襚之衣將何以解其憾乎吾

於汝身虧顧復之義失父道矣又於吾弟垂付託之意
失兄道矣二者胥失其將何以逃於天地之間乎吾才
不逾今之中人吾學不及古之下士祿寵踰涯不自乏
絕覺鍾後人致汝天闕今雖知過其可及乎去年送汝
先至通州汝樞發後有詔止之留汝一年不遣行者欲
送汝也今茲將行詔又止之其敢違乎勢難再留計無
從出專遣幹僕托之信友扶汝護汝先還家山昔汝孝
行感於神明生不獲祐死當蒙休汝登舟車無震無驚

汝涉江湖無恐無怖魂神清明依汝體魄吾今抱病逾
二載矣其哭汝也淚盡而筋枯血濇而心悸虛名禁持
無所告訴上天鑒臨終遂所請歸治汝喪歸立汝後亦
庶幾周吾父子之情塞吾兄弟之責也汝其有知強飲
強食徃即長路以還故鄉其無以老父留此為念也嗚
呼人世之別有慘於此者乎老父之哀其可已乎其不
可已乎

圭齋文集卷十五

欽定四庫全書薈要卷一萬六千四百八十九

集部

圭齋文集卷十六

附錄

元勅賜翰林直學士亞中大夫輕車都尉追封
渤海郡侯歐陽公神道碑銘

翰林侍講學士通奉大夫知制誥同修國史知
經筵事臣張起巖奉勅撰

奎章閣學士院侍書學士中奉大夫同知經筵

事臣庫庫奉勅書

奎章閣學士院承制學士中奉大夫兼經筵官
臣尚師簡奉勅篆額

今皇上即位之三年至元改元冬十一月三十日奎章
閣大學士臣錫喇卜奏翰林直學士臣玄職翰林論思
有勞制贈其考官三品爵列侯欲著之碑銘光移上恩
其勅翰林臣起巖撰文奎章臣庫庫書丹臣師簡篆額
上曰可臣起巖承詔伏惟延祐初年仁宗聖文欽孝皇

帝繼述祖訓建立科舉大廷策士臣立臣起巖賜第拜
官為同年皇上御極簡擢侍從臣立臣起巖代言紬史
為同官明詔諭臣俾揚其先烈發其潛德求之臣職揆
之友誼皆不敢辭謹按公諱龍生字成叔歐陽氏其先
冀之渤海人從晉南渡徙長沙率更令詢以文學顯名
隋唐四世孫琮為吉州刺史因家廬陵琮八世孫萬為
安福令故又有居安福者安福府君而下四世曰效三
子謨託遠託徙吉水後吉水析置永豐傳三世是為宋

太師究國文忠公之考崇國公其他子孫散處安福邑境雍熙初割安福置分宜縣隸宜春郡故居安福永豐者籍廬陵居分宜防里者籍宜春而安福分宜地相去不滿五十里公防里族也別號防里歐陽氏曾祖安時及祖新皆漕試湖南愛瀏陽山水之勝又徙居焉新字仲齊以經學著稱淳祐末荆溪吳公子良漕湖南辟廬陵歐陽巽齊守道為岳麓書院山長又以禮聘仲齊為講書因寓長少巽齊聆其講說嘆曰長沙自有仲齊吾

何為至於此考逢泰字忠叟經術行業師表一方學者
常數百人擢科登第相屬也用薦為潭學錄安撫司檄
與湘潭譚景衡履學田堙沒者登故額士廩以羨廬陵
羅子遠在教授席賴其佐助為多今贈中順大夫禮部
侍郎上騎都尉追封渤海郡伯妣何氏渤海郡君公年
十六入潭學已負俊譽月試占高第相國古心江公判
潭州帖為崇禮齋長又二年從醴陵田氏受春秋三傳
甲戌混試國學生湖南終場萬三千人有竒拔士二十

八人公以春秋中第二肄業存心齋時羅教授為朝官以書賀云向潭學經界忠叟景衡盡心焉去歲景衡子魁鄉薦今年忠叟子入上庠造物報人不爽如此至元丙子內附侍禮部還瀏陽居霞陽山之白雲莊禮部晚歲究心太玄作律歷統元圖書數十卷因耗心得渴疾公泣諫不為止未脫蒙卒公抱其遺書每慟哭至絕左丞崔公斌行省于潭召之以親老辭居山十有七年部使者李淇至瀏瀏有文靖書院祠龜山楊先生淪廢於

隣使者考郡志謀復其舊詢衆求才望士任斯責衆以
公對乃專縣尹杜元忠即山中延至會有司例試儒戶
中選者復其身使者命公考士湘陰瀏陽去取公當人
至今稱之憲部薦其才牒宣閩達之省府授文靖書院
山長郡人強之起始受命改築書院猿山之陽踰年禮
殿講堂門廡齋舍及龜山先生祠事內外具舉學者雲
集書院廩稍不贍佐以已資夫人亦徹奩具助其經費
落成之日升堂講孟子承三聖章言龜山先生傳周程

學而及豫章延平紫陽朱子實承道統斥王安石配享
孔廟功亦可配孟子山林老儒聞書院之復筵講至為
出涕秩滿公牒之京師贈太傅魯國喀爾文貞公野齋
翰林李文正公抑菴集賢宋公文薦為校書郎行就職
矣會集賢言歐陽山長有功文靖書院今瀏陽陞中州
例設教授師席初筵須宿儒碩望啓迪來學宜移教其
邦人便朝論是之改瀏陽州儒學教授至則會學廩可
贍二十人月約一十五日選俊秀補員會食躬親教督

諸生皆勤勉自力科場既闕進士輩出實公權輿之遷道州路教授道介兩廣或以為遠公曰茲為周夫子之鄉何遠之有至官郡庠隣濂溪書院公定規約朔望謁宣聖畢教授率諸生謁濂溪祠一日過祠東見老屋數間詢知為西山精舍勝國時祠蔡季通蕪廢久矣祠舊隸郡庠有田百五十畝或利其入欲兼并之故以屋僦軍官去遂不治幸其速壞公立召僕夫拚除按籍得田修其祠郡學田多為豪民據有公請諸憲司被檄往括

暑行山間得租三百餘石因感疾歸卒官舍至大元年
八月五日也年五十有七諸孤奉柩歸以三年十月三
十日葬郡東羅田之木瓜埭公既歿之七年當延祐甲
寅立舉進士魁湖廣省貢明年乙卯以第三人賜第同
知平江州遷蕪湖尹初贈公承事郎同知湘陰州事再
贈朝列大夫同簽太常禮儀院事上騎都尉追封渤海
郡伯今贈翰林直學士亞中大夫輕車都尉追封渤海
郡侯初娶譚氏一年卒再娶李氏金陵仕族有婦德知

書前公四年卒初追封宜人進封渤海郡君今封渤海

郡夫人繼室李追封長沙郡君譚夫人有子曰浩龍川

書院山長娶唐渤海郡夫人有子五長貞孫石林書院

山長娶王次定孫曲阜林廟學錄娶李次立也今中大

夫國子祭酒依前翰林直學士知制誥同修國史娶謝

封渤海郡夫人次憲孫幼鞠外氏李沅陵縣學教諭娶

湯季彭年舉明經娶周女二長適武岡路教授卜天佑

次適瑞州雲石務稅使湯居恭孫男八長慶以教授借

住建昌路樂口砦巡檢次暹適遜達皆業儒女孫六曾
孫男四曾孫女四公儀表峻清瑩皙如玉有膽畧幹局
性孝友幼歲嘗割股肉以已母疾兄士高蚤世撫其遺
孤皆有成婚嫁必先兄子而後及己子先疇悉推與之
讀書目五行下八歲屬文十五下筆萬言文雄渾有體
裁學精敏有識趣尤長於講說義理每講篇出士傳誦
之晚號雲莊有經學理窟雲莊講義及所著文集傳於
家歐陽氏世以文學名廬陵之族大顯於宋矣宜春防

里清門素業文行有傳至於禮部倡鳴經學師道尊嚴
表率多士公學為通儒行為士槩宣勞庠序位不滿德
維持斯文克肩其任再世如一遺善後人是有良嗣首
擢巍科聲華熒然演論玉署黼藻帝猷追封二代有位
有土大書表隧恩賁歿存則公父子平昔繼學衛道之
報昭然四達而防里之族克昌以大將媿美於廬陵矣
於乎盛哉銘曰

惟歐陽氏廬陵別族有家瀏陽同出安福文忠相宋

魁然大儒防里清門世德不孤操義風烈堅持允蹈
服膺克繩義方之教三代之英士生其時世其道德
以恬以熙至行應古鄉邦攸重士子景從如鳥歸鳳
衛道育才再世一心播耬百年有穫斯今綸章載頒
秩登侯伯霈恩所覃於渥其澤大君賜命詞臣敬承
撰銘發潛匹休廬陵宣昭幽顯帝仁若天垂示無垠
可千萬年

大元故翰林學士承旨光祿大夫知制誥兼修國

史圭齋先生歐陽公行狀

曾祖新贈中奉大夫嶺北湖南道宣慰使護軍追封
冀郡公

祖逢泰贈昭文館大學士資善大夫上護軍追封冀
郡公

父龍生宋太學上舍生累贈集賢大學士榮祿大夫
上柱國追封冀國公

公諱玄字原功姓歐陽氏其先出於夏禹之苗裔漢涿

郡太守子孫有居冀州之渤海從晉南渡居長沙唐率更令詢四世孫曰琮為吉州刺史因家廬陵琮八世孫曰萬為安福令故有居安福者安福而下四世曰效三子謨託遠託徙居吉水析置永豐傳三世曰觀是宋太師兗國文忠公之父崇國公遠留安福子孫散處境內宋割安福置分宜縣隸宜春郡故居安福永豐者籍廬陵居分宜防里者籍宜春而安福分宜地相去不滿五十里公為防里族宣慰公試湖南轉運司愛瀏陽山水

之勝遂卜居馬淳祐末荆溪吳公子良將漕湖南辟廬
陵歐陽公巽齋守道為岳麓書院山長又聘宣慰公為
講書歐陽公聆其講說為之驚嘆昭文公經術行業師
表一方若集賢公之行事始終則有今上所賜碑備載
云集賢公子四人長貞孫次定孫次即公季彭年公生
於至元二十年五月母冀國夫人李氏賀州簽書判官
廳公事某之女讀書能文親授孝經論語小學諸書公
八歲已能成誦始從鄉先生張貫之授學日記數千言

即知屬文十歲有黃冠師至里塾坐定周視諸生注目視公久之曰是兒骨格不凡神氣凝遠耳白過面目光射人惜本朝未興科目有則狀元何疑然異日亦當文章冠世聲名滿天下廊廟器也言既而去亟追與語已失所之集賢公為文靖書院山長部使者某至州謁之書院公與諸生講誦使者異之就坐命賦梅詩立成十首晚歸增至百首使者謂集賢公曰令子竒才也年十四從宋進士方山李公某受業下筆輒千言年十六歲

從宋進士吾山鄧公某每試庠序必占高等老師宿儒
讀公詞賦制科之文戒其子弟傳習焉弱冠下帷數年
人莫見其面經史百家靡不研究伊洛諸儒源委尤所
淹貫間至郡城憲使涿郡盧公摯見公儀表及觀所為
文大器重之相與倡和留連不遣去薦為憲史力辭不
就大德元年母李氏太夫人卒居喪哀毀致疾十一年
公生之日集賢公為詞以壽之期待之意甚遠集賢公
遷道州路儒學教授公實侍行道為周元公鄉里儒風

尤盛公日從諸先生遊學力銳進境內勝槩題藻殆徧
集賢公卒居喪毀瘠扶柩以還築室墓側居廬三年然
後歸復還郡城江東憲使蒙古孫公澤省親長沙一見
大奇之留諸舍館為忘年友薦公文學堪居翰苑牒郡
府以達朝廷雍郡虞公井齋汲分教於潭每見公所為
文為之擊節時其子集為國子助教繕寫成帙親題以
寄於是公蹤跡未至京師而聲名已彰著於朝矣皇慶
二年州之霞陽山宣慰公墓在焉前有方池水流清瀟

仲春之月西偏有泉感沸其色正綠初出如綫凝結漸

大如層雲疊翠浮泛水面日出生於西亭午至池心日

入沈於東者三日汲而書於紙經久而色不變延祐元

年季春之月芝草一莖七葉生於舍東桃樹貓犬相乳

哺綠泉復見作三瑞堂以志其事會下詔設科取士公

以治尚書與貢廬陵龍公仁夫為考試官夜夢神馬見

於雲霄書公姓名大旗上果以天馬賦中第一明年賜

同進士及第授承事郎岳州路同知平江州事四年丁

繼母李氏憂六年調太平路蕪湖縣尹疑獄數起累年不能決公得其情皆為平反豪右非法虐其驅奴公俾之從良貢賦徵發及時民樂趨事民有所為皆曰縣尹聞之得無不可於意否莫不忖度而後行事飛蝗獨不入境嘉禾生野蠶熟成繭教化大行道不拾遺父老相率上其狀公立止之乃刻石吉祥僧舍行臺憲司交章薦揚泰定元年改承直郎武岡縣尹縣控制溪洞蠻獠雜居俗尚勇好鬪撫字少乖事譽不測公視事踰月赤

水大清兩洞聚衆相攻殺隣境告變官曹恣睢失色計
無從出公曰彼亦人耳欲弭其變惟以德化感之吾將
躬行撫諭即日單騎從二人徑抵其地至則死傷盈道
戰鬪未已搔人素知公德望及至皆愕然相視棄兵仗
羅拜馬首請罪曰我曹非不畏法而擅興兵緣訴其事
於縣縣不為直而吏更需求無已繇役橫斂掎克百端
使終歲勞苦無以為生情有不堪發憤就死耳不意煩
我清官自來罪不可逃公乃宣布德威明示信義歸理

其訟其人感激遂安召為國子博士四年考試進士於禮部陞國子監丞致和元年授翰林待制奉議大夫兼國史院編修官會賓興承旨學士或有事役或留上京一二同屬皆稱疾不出公領印攝院事日直內廷叅決機務凡遠近調發制詔書檄既而改元天歷郊廟建后立儲肆赦之文皆經撰述且條時政數十事實封以聞多推行之二年考大都鄉試初置奎章閣學士院又置藝文監隸焉選清望之官中書擬翰林修撰某為少監

文宗不允郡臣莫測其故久之乃問修撰品級對曰六
品又問嚮蕪湖歐陽縣尹有廉聲今安在對曰為翰林
待制又問待制品級對曰五品曰何為不擬待制而擬
修撰耶即取奏目御書歐陽玄可授藝文少監特命左
丞相巴延叅政阿榮傳旨公拜命入謝文宗大悅復問
公曰汝為廬陵族長沙族耶應對稱旨閱古今書畫或
以宸翰賜群臣必命為敘贊至順元年考試進士於禮
部奉詔纂修皇朝經世大典明年春書成奏御夏謁告

南歸秋陞藝文大監檢校書籍事階朝散大夫是日中書奏遷不愜上意者去其大半既而特筆藝文少監歐陽玄可陞大監除目今藏近臣家即遣使召還今上即位改中順大夫僉太常禮儀院事元統二年拜翰林直學士中憲大夫知制誥同修國史奉勅編修四朝實錄謨太皇太后玉冊文賜白金五十兩詔修先師堯國公廟成奉勅謨碑文明年春兼國子祭酒進階中奉大夫召赴中都議事詔侍講學士張起巖謨公先塋碑至元

二年得請還家樹碑三年陞侍講學士中奉大夫知制

誥同修國史遣編修郭嘉檢校張元先後各齋內醞麴

召譔太皇太后玉冊文四年復兼國子祭酒進通奉大

夫譔皇后玉冊文賜白金五十兩五年足患風痺乞南

歸便醫有旨不允修曲阜宣聖廟成奉勅譔碑文初公

有子皆早卒復以弟彭年之子達老為嗣六年二月卒

公哭之過哀舊疾復作乞還鄉里携柩返葬近臣以聞

上深念之即日遣奎章閣典籤全普庵薩里賜內醞二

尊追至臨清勉諭諄切不克辭復還拜翰林學士資善
大夫知制誥同修國史命曼濟台右丞相草詔懇辭
去位降旨不允止免朝賀行禮至正改元更張朝政事
有不便者集議廷中極言無隱科目之復沮者尤衆公
力爭之命托克托右丞相草詔九月南歸明年遣使賜白
金五十兩金幣表裏段各一內醞二尊復起為翰林學
士以疾未行有勅譔故相和寧忠獻王托克托神道碑三
年詔修遼金宋三史遣使賜內醞二尊召為總裁官使

者迫促力疾就道至則廟堂問修史之要公曰是猶作室在於聚材擇匠聚材則先當購書擇匠則必遴選史官於是用公言遣使購書增設史官立三史凡例又為便宜數十條俾論譔者有所據依史官中有悻悻露才議論不公者公不以口舌爭俟其呈藁援筆竄正其論自定至於論贊表奏皆公屬筆南郊禮成冊文肆赦賜白金百兩居庸關過街塔成奉勅譔碑賜白金五十兩四年奉勅譔成宗御殿碑賜白金五十兩五年知貢舉

進翰林學士承旨榮祿大夫知制誥兼修國史初御史

大夫額森特穆爾在宿衛上問在廷儒臣乃以公姓名

對上曰斯人歷事累朝制作甚多朕素知之今修三史

尤任勞勲汝其諭旨丞相超授爵秩用勸賢能明日大

夫出遭丞相於延春閣下傳旨既畢立具奏牘上大悅

稱快者再三命左丞相董守簡賜宴史館明日入謝平

章納琳謂曰吾久在省臺未見昨日天顏如是之喜也

張公起巖先為承旨位第六公所代第四公曰張公吾

榜首又先拜命今位次反居末雖曰君命誼有未安乃
固讓之及宋史後進上喜書成賜白金百兩金幣表裏
段四乞致仕還鄉不允六年御史臺奏除福建閩海道
肅政廉訪使行次浙西疾復作因請致仕九年夏遣使
賜白金五十兩內醞二尊勅撰故相冀寧忠宣王特穆
爾達實神道碑文公自休致作南山隱居優游山水之間
謝絕世務日與昆弟故舊觴詠自適有終焉之志十年
秋復授承旨遣使賜內醞二尊以老病力辭不獲湖廣

省臣知朝廷注意於公屬養疾武昌道宮日往候問勸公北行控辭之文屢上不允又遣使賜內醞二尊趣行適車駕還自開平迎謁行殿復有旨行禮朝賀聚會皆免冬奉勅譔定國律譔選格序河決白茆口大興工役勅公譔河平之碑十二年春宣赴延春閣集議肆赦草詔夏乞致仕陳情誠懇乃特授湖廣等處行中書省右丞相致仕賜楮幣萬貫玉帶一條仍給全俸從子遜老授本省檢校官孫佑特授湖廣道宣慰使司照磨俾得

便養將行降旨不允依前承旨進階光祿大夫辭不獲
十三年上如開平中途賜楮幣萬五千貫尋奉勅撰金
字藏經序新建壽元忠國寺碑文十四年知貢舉又充
廷試讀卷官至是始知家罹寇禍二兄一弟相繼去世
親屬四百指死亡大半配萑國夫人謝氏避難郡城亦
沒公聞變哀甚上深憫念賜楮幣萬五千貫傳旨慰勞
復命遜老以資成庫副使給驛還鄉收聚所餘骨肉遷
寓武陵奉勅撰三皇廟新置雅樂記大赦天下草詔時

又以病不能出外命就家具藁秋皇太子遣宮臣齋親
書經訓二大字內醞二尊以賜上箋稱謝皇太子命侍
臣解說藏諸端本堂十五年謨皇太子玉冊文賜金帛
表裏段楮幣萬五千貫十六年上遣近臣賜楮幣萬五
千貫撫諭高句驪草詔十七年春乞致仕欲由蜀還鄉
不允大赦天下宣赴內府草詔時久病不能步履丞相
傳旨肩輿至延春閣下上問丞相斯人在朝最久製述
益富年壽今幾何丞相悉以對賜楮幣二萬五千貫遣

執政存勞皇太子千秋節賜楮幣萬貫十二月戊戌薨
於崇教里寓舍中書以聞上賻以楮幣二萬五千貫皇
太子賻以楮幣五千貫明年三月壬寅權塋京西宛平
縣香山鄉石井村公既喪其長子達老後請於朝以長
兄之孫佑持為孫今授從仕郎侍儀司通事舍人婚卜
士駿靖州安撫司經歷教授李崇志有圭齋文集若干
卷惟公學於未有科第之先沈潛經傳所親承多故宋
耆碩而性度雍容含弘縝密出宰二縣寬仁恭愛處已

儉約為政廉平不苛視民如子舉善以勸未嘗笞辱故
歷官四十餘年在朝之日居四之三三任成均兩為祭
酒六入翰林而三拜承旨修實錄大典三史皆大制作
屢主文衡兩知貢舉及讀卷官凡宗廟朝廷雄文大冊
播告萬方國所用制詔皆出公手海內名山大川釋老
之宮王公貴人墓隧碑銘得公文詞為榮片文隻字流
傳人間咸知貴重文章道德卓然名世引拔善類贊化
衛道黼黻治具與有功焉於是中外莫不敬服及大盜

之起相國徂征公嘗陳論事宜謂當請命太廟而後行
招捕並行則脅從誑誤者可生六部諸司分官從行糜
費供給歲月稍久必致公私匱乏嚴禁州縣科斂不公
一軍失利他軍不援罪在主將蒙古漢軍民義一體論
賞不可分別輕重徐州既平當順流東下耀武揚州遣
將分勁軍一支北助河州軍討平淮西一支南助池州
軍討平江州規圖湖廣江西道遣使督南陽圖襄陽四
川軍圖湖廣督河南軍急攻汝南約諸軍以十月夷黃

州賊巢明立賞格正賊降者蠲其罪仍與相副官職土
豪能殺賊來降者亦官之大軍所至傳諭脅從者別置
一所則賊勢自孤有殺降俘男女者殺士之通曉軍務
立加旌擢至於謹烽燧精間諜皆不可缺其後政府求
疏時事公首言京師天下根本車駕行幸宜於侍衛親
軍中遴選射藝絕倫方略出衆者教練守禦要害陝西
四川宜擇德望重臣素習武備深曉民事令其久任責
以保障一方不宜數數遷除併力克復山東以制河南

兩淮選猛將擇精兵萬餘人出賊不意以取武昌邊官
省掾宜擇公平廉謹之人俾專兵事右司選官一員專
一巡檢克復州郡覈其無籍戶若干今有若干總兵官
與監臨上司結罪申報則公經濟之術即是可窺其萬
一矣素宦學京師嘗從公於史館晚辱與進尤至謂可
以承斯文之遺緒然素之行不佞無能為役佑持請序
述公之世家出仕行實上之太常史官以俟采擇謹狀
翰林學士承旨榮祿大夫知制誥兼修國史危素狀

圭齋文集卷十六

謹案卷十六第十四頁前八行全普庵薩里舊作
全普庵撒里今改 後二行曼濟台舊作馬札
兜台今改後做此 十五頁後二行額森特穆
爾舊作也先帖木兒今改





總校官庶吉士臣張能照

校對官庶吉士臣何思鈞

謄錄監生臣劉垠